

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкyрeнцијски савјет*

**MIŠLJENJE**

**po Zahtjevu Regulatorne komisije za energiju u Federaciji Bosne i Hercegovine-FERK na  
„Nacrt pravilnika o snabdijevanju kvalifikovanih kupaca električnom energijom“**

**Sarajevo,  
juni, 2014. godine**



Broj: 01-26-7-009-1-I/14  
Sarajevo, 10. juni 2014. godine

Na osnovu člana 25. stav (2) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja Regulatorne komisije za energiju u Federaciji Bosne i Hercegovine, Blajburških žrtava 33, 88000 Mostar, Konkurencijsko vijeće Bosne i Hercegovine je na 92. (devedesetdrugo) sjednici održanoj dana 10. juna 2014. godine, donijelo

### **MIŠLJENJE**

Nacrt pravilnika o snabdijevanju kvalifikovanih kupaca električnom energijom, usaglašen je sa odredbama Zakona o konkurenciji.

### **O b r a z l o ž e n j e**

Regulatorna komisija za energiju u Federaciji Bosne i Hercegovine, Blajburških žrtava 33, 88000 Mostar (u daljem tekstu: FERK ili Podnosilac zahtjeva), je podnijela Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev), na Nacrt pravilnika o snabdijevanju kvalifikovanih kupaca električnom energijom (u daljem tekstu: Nacrt Pravilnika), zaprimljen dana 29. maja 2014. godine pod brojem: 01-26-7-009-I/14.

Nacrt Pravilnika je pripremljen na osnovu člana 1. stav (1), člana 13. i drugih odredbi Zakona o električnoj energiji u Federaciji Bosne i Hercegovine („Službene novine Federacije BiH“, broj 66/13), odredbi Statuta Regulatorne komisije za energiju u Federaciji Bosne i Hercegovine („Službene novine Federacije BiH“, broj 2/13).

Članom 13. stav (9) Zakona o električnoj energiji u Federaciji Bosne i Hercegovine („Službene novine Federacije BiH“, broj 66/13) je utvrđen sadržaj predmetnog Pravilnika, uključujući dinamiku ukidanja tarifnih stavova za pojedine kategorije kupaca do postupnog otvaranja tržišta, način snabdijevanja kvalifikovanih kupaca, uspostavu javnog snabdjevača i njegova prava i obaveze, prava i obaveze kvalifikovanih kupaca, postupak i uslove promjene snabdjevača, usluge rezervnog snabdjevača, uslove pod kojima kvalifikovani kupac može koristiti usluge rezervnog snabdjevača, kriterij za njegov odabir, kao i način formiranja cijena električne energije rezervnog snabdjevača, te vrijeme trajanja usluge rezervnog snabdjevača, metodologiju za utvrđivanje cijena usluge javnog snabdjevača za pružanje univerzalne usluge, način formiranja cijene električne energije rezervnog snabdjevača definisan metodologijom za utvrđivanje cijena rezervnog snabdjevača.

U Nacrtu Pravilnika, između ostalog, se navodi:

- da je članom 4. propisano da prelazni period otvaranja tržišta traje do dana 1. januara 2015. godine;
- da je članom 5. stav (1) propisano da svi kupci električne energije (uključujući i kategoriju domaćinstva) od dana 1. januara 2015. godine ostvaruju pravo na slobodan izbor snabdjevača;
- da je članom 7. stav (1) propisano da je obaveza kvalifikovanog kupca koji slobodno izabere snabdjevača, zaključivanje ugovora o snabdjevanju električnom energijom u skladu sa odredbama Općih uvjeta za isporuku električne energije, Mrežnog kodeksa i Tržišnih pravila:

- članom 15. stav (1) propisano je da je kvalifikovani kupac, koji namjerava promijeniti snabdjevača, obavezan novom snabdjevaču podnijeti zahtjev u pisanom obliku na obrascu propisanom od snabdjevača;
- članom 20. stav (1) propisano je da javni snabdjevač (znači snabdjevač koji ima obavezu snabdijevati kvalifikovanog kupca kada on ne odabere svog snabdjevača na tržištu električne energije na način i pod uslovima koje propisuje FERK) predlaže cijene usluge javnog snabdjevača po kojima isporučuje električnu energiju u okviru univerzalne usluge (znači dio javne usluge kojom se garantuje priključak i snabdijevanje po razumnim, jednostavno i lako uporedivim i transparentnim cijenama kupcima iz kategorije domaćinstva, malim poduzetnicima i komercijalnim kupcima), u skladu sa Metodologijom za utvrđivanje cijena usluge javnog snabdjevača za pružanje univerzalne usluge u Federaciji Bosne i Hercegovine.

Konkurencijsko vijeće je razmotrilo Nacrt Pravila i ocijenilo da ne sadrži odredbe koje mogu sprječavati, ograničavati ili narušavati tržišnu konkurenciju na relevantnom tržištu Bosne i Hercegovine, te je isti usaglašen sa Zakonom o konkurenciji.

U skladu sa naprijed iznesenim, Konkurencijsko vijeće je odlučilo kao u dispozitivu.

**Predsjednik**

**Gordan Raspudić**

**Dostavljeno:**

- **FERK**
- **u spis**
- **arhiva Konkurencijskog vijeća**